

元始无量度人上品妙經卷之二十四

神變氣化品

道言昔於太素天中皓景霄虛凌空曜土受元始度人神變氣化无量上品

元始天尊當說是經周回十過以召十方始當詣座天真大神上聖高尊妙行真人無鞅數眾乘空而來碧虛扇霞鳳輿瓊輪綠蓋華輶流彩降霄八景交輝洞煥太空三日三夜諸天玉籙寶光上照玄都宮闕森羅元綱臺觀朗然徹見却似巍巍飛輪煥赫一國地土山川林木緬平一等無復高下土皆作瑞玉無有異色眾真侍座

道藏輯要

度人妙經

吳

角集五
八〇三

元始天尊玄坐空浮神化萬炁寶闕之上說經一遍諸天大聖同時稱善是時一國男女知道變化悉由神炁乃至天城紫殿碧閣黃房萬聖千真皆是神變法身氣化真境說經二遍金龍吐雲寶臺千柱說經三遍宸霞散縷結空成字說經四遍大音輕震甘露敷和說經五遍地發寶蓮萬葉凝光說經六遍玉京金闕神輝洞虛說經七遍萬神混一出有入無說經八遍神氣變微秋毫同體說經九遍地獄消滅死魂受生說經十遍神變氣化洞入太冥是時一國是男是女莫不傾心皆受護度咸得長生

道言是時元始天尊說經一遍東方无極无量品始陽大神無

鞅之眾浮空而至說經二遍南方无極无量品炎輝大神无鞅之眾浮空而至說經三遍西方无極无量品少陰大神无鞅之眾浮空而至說經四遍北方无極无量品太一大神无鞅之眾浮空而至說經五遍東北无極无量品保鎮大神无鞅之眾浮空而至說經六遍東南无極无量品通生大神无鞅之眾浮空而至說經七遍西南无極无量品冲厚大神无鞅之眾浮空而至說經八遍西北无極无量品運關大神无鞅之眾浮空而至說經九遍上方无極无量品主變大神无鞅之眾浮空而至說經十遍下方无極无量品持化大神无鞅之眾浮空而至十遍周竟十方无極變化大神一時同至一國男女傾心歸仰雖未

道藏輯要

度人妙經

聖

角集五

×××

聞法各悟三界十方諸天高真乃至宮殿臺觀未有一名不從神變氣化而有今觀天尊真王宣真演道聖容煒煥光徹諸天无量世界一一國中各有天尊真王宣演大法故知神變無窮氣化無極我等今身色相根塵動轉音影皆是神變氣化所成來者億量無鞅之眾迺國一半土皆偏陷非可禁止於是元始示現神氣變化之道從玄坐起踴身虛空高齊劫仞在飛雲浮景之上去地千丈元始登引天真大神上聖高尊妙行真人十方无極變化大神无鞅數眾俱入浮景之中天人仰看惟見勃勃從虛空中入既入空內不知所在國人廓散地還平正無復欹陷元始卽於飛雲浮景之上說經都竟眾真監度以授於我

當此之時喜慶難言法事粗悉諸天復位條歟之間寂無遺響
是時天人遇值經法普得濟度全其本年無有中傷傾土歸仰
咸滅有心極妙極玄極洞極真極化極用極變極通極神極靈
心悟至道合體虛明齊同慈愛異骨成親國安民豐欣樂太平
經始出教一國以道預有至心宗奉禮敬皆得度世

道言元始天尊說經中所言並是諸天上帝神變氣化內名隱
韻之音亦是真王內諱變化百靈之隱名也非世之常辭上聖
已成真人神氣通玄能悉其章誦之十過諸天遙唱神氣合應
變化倏忽河海山嶽俄爾亡存日月璇璣周流隱顯神之所變
萬聖齊臨則羣魔束形鬼精滅爽氣之所化則回屍起死白骨

道藏輯要

度人妙經

哭

角集五

成人至學之士誦之十過則神變五帝氣化三界魔精喪眼鬼
祇滅爽濟度垂死絕而得生所以爾者學士穢氣未消體未洞
真召制十方威未制天政德可伏御地祇束縛魔靈但卻死而
已不能更生輕誦此章身則被殃供養尊禮門戶興隆世世昌
熾與善因緣萬災不干神明護門斯經尊妙獨步玉京度人无
量爲萬道之宗巍巍大梵德難可勝

道言凡誦是經十過諸天齊到神感氣會變化自然不同起心
作諸幻妄神氣混合無道不生億曾萬祖幽魂苦爽皆卽受度
上昇朱宮格皆九年受化更生得爲貴人而好學至經功滿神
變德就氣化皆得神仙飛昇金闕遊宴玉京也上學之士修誦

是經神氣鍊化皆卽受度飛昇南宮世人受誦神不去身真氣
內營則延壽長年後皆得作屍解之道魂神暫滅不經地獄卽
得返形遊行太空此經微妙普度無窮一切天人莫不受慶無
量之福生死蒙惠上天所寶不傳下世至士齋金寶效心盟天
而傳輕泄漏慢殃及九祖長役鬼官侍經五帝玉童玉女各二
十四人營衛神文保護受經者身

道言正月長齋誦詠是經神變發生氣化敷榮內景煥彩玉雲
結城爲上世亡魂斷地逮役度上南宮七月長齋誦詠是經神
變道體內景明潔神嬰正位身得神仙諸天書名黃錄白簡削
死上生十月長齋誦詠是經神變深密氣化安甯內景齊仙遊

道藏輯要

度人妙經

咒

角集五

宴玉華爲國主帝王安鎮國祚保天長存世世不絕常爲人君
安鎮其方民稱太平八節之日誦詠是經神變順常氣化循經
內景調衍金池玉靈得爲九宮真人本命之日誦詠是經神變
九宮氣化九眞混一自然與帝同盟魂神澄正萬氣長存不經
苦惱身有光明三界侍衛五帝司迎萬神朝禮名書上天功滿
德就飛昇上清

道言行道之日皆當香湯沐浴齋戒入室東向叩齒三十二
通上聞三十二天心拜三十二過閉目靜思身坐青紫白三
色雲氣之中內外翳冥有青龍白虎朱雀玄武獅子白鶴羅
列左右日月照明洞煥室內項生圓象光映十方次思太空

之中洞真神氣如紫光雲冉冉來覆兆首雲氣彌室內有萬神森然如視目中瞳子對兆面前次思兆九竅氣出如白烟烟雲右旋纏繞兆身象罔之中紫雲白烟亘遍天地良久覺見已身肝中有碧玉宮殿中有神人衣青龍華羽之服口中吹氣成風吹此雲氣左回約九九數周乃見空中所存來者萬神與兆身中百神合爲一身狀如嬰兒繡衣錦裳對兆面坐聽兆誦經訖還入兆口中上泥丸中畫面向外夜面向內此爲神變氣化之道如此分明密咒曰

无上玄元太上道君召出臣身中三五功曹左右官使者侍香玉童傳言玉女五帝直符直日香官各三十六人關啟所言今

道藏輯要

度人妙經

辛

角集五
川文刊

日吉慶長齋清堂修行至經无量度人願所啟上徹徑御

无上三十二天元始上帝至尊几前

畢

引炁三十二過東向誦經

元始无量度人上品妙經

元始洞玄靈寶本章神變氣化上品同混度人百魔隱韻離合自然洞空無形神氣爲真神非恍惚氣非氤氲是道妙本於空爲神太空爲氣神生萬神氣生萬氣萬神歸一萬氣合一萬之變神爲道機氣爲道樞機變樞化三界乃生元始祖神變生萬真元始祖氣化生諸天開明二景是爲天根上無復祖惟道爲身神變赤書氣化玉文五文開廓普植神靈無文不光無文不明無文不立無文不成無文不度無文不生是爲大梵天中之天變化生成鬱羅蕭臺玉山上京上極无上大羅玉清眇眇劫仍若亡若存三華離便大有妙庭金闕玉房森羅淨靈神霄

道藏輯要

度人妙經

三

角集五

×川上

梵炁周回十方中有神變氣化之神中有南極長生大帝君中有度世司馬大神中有好生韓君丈人中有南上司命司錄延壽益算度厄尊神同骸起死无量度人今日校錄諸天臨軒東方无極飛天超玄神王長生大聖无量度人南方无極飛天升炎神王長生大聖无量度人西方无極飛天易皓神王長生大聖无量度人北方无極飛天生神神王長生大聖无量度人東北无極飛天司變神王長生大聖无量度人東南无極飛天主化神王長生大聖无量度人西南无極飛天遷氣神王長生大聖无量度人

西北无極飛天換質神王長生大聖无量度人
上方无極飛天至有神王長生大聖无量度人
下方无極飛天妙無神王長生大聖无量度人

十方至真飛天神王長生度世无量大神並乘玉虹萬寶之輿
結緣千真遊玄之車泛蓋旋羽驂駕丹鳳九色真龍建召神攝
氣變化之節三元回命保生靈旛前詠洞文齊唱後吹部曲同
音獅子白鶴嘯歌噫噫五老啟途羣仙翼轅億乘萬騎浮空而
來傾光同駕變化度人諸大丞相南昌上宮韓司主錄監生大
神神變天司明令四張氣化神人據位持兵執錄把籍齊到帝
前百億變化神氣自然官府在左刑罰著邊隨所應度嚴校諸
道藏輯要

度人妙經

卷

角集五

天普告三界无極神鄉泉曲之府北都羅酆三官九府十二河
源上解祖考億劫種親疾除罪簿落滅惡根不得拘留逼合鬼
羣元始符命時刻昇玄北都寒池部衛形魂制魔保舉度品南
宮死魂受鍊仙化成人神氣無窮變化無終無極神鄉變化所
從神氣合空無所無容十方皆變一神混同十方皆化一氣普
通變化生身生身受度劫劫長存隨劫輪轉與天齊年保度三
塗五苦八難超凌三界逍遙上清上清之天天帝洞輪無色之
境梵行

東方八天

神變九真天

帝梵靈虛泉

角應震生天

帝京繼婁虛

幽真啟元天

帝混奇迎隆

歷陳蒼華天

帝明耀芒

動緣仁宥天

帝閣龍景盈

獄判紀靈天

帝述蘭棲

翠闕寶輝天

帝飛英預嘉

綠粹秀和天

帝離如祕公

南方八天

薰微炎照天

帝裔運通

陽光混虛天

帝寶主輔元

道藏輯要

度人妙經

卷

角集五

南玉化闕天

帝部俞慶言

耀景丹靈天

帝祖簡尊猷

朱明景平天

帝伯舉沖幾

安變澤神天

帝曜華奉靈

龍變慶元天

帝廓都良

赤氣定初天

帝平披昌

西方八天

雲極素靈天

帝正寶仙明

正化觀行天

帝時保基常

帝靜順康天

帝滋殊聿光

竺路道封天

帝崇昇真墟

晶明虎寶天

帝象日回景

思度逸沖天

帝祝郭友

太瑤葆存天

帝道鑒沖升

感羽浩名天

帝極那輪

北方八天

紫度靜明天

帝枕伯次恭

句魂除邪天

帝尾房忌侯

正察高玄儀真天

帝島基錄開

玄符虛轄天

帝密觀赴靈

道藏輯要

度人妙經

音

角集五

德芳曜圓露神天

帝超玄濟昏

鍾陽溟混天

帝曾微子都

治化政安天

帝寂浩素覺

智冥洞空九常天

帝本光希先

三十二天三十二帝諸天隱諱諸天隱名天中空洞自然靈章
諸天隱韻天中之音天中之尊天中之神天中大魔天中之靈
神和氣合變化上清无量之奧深不可詳敷落神真普度天人
今日欣慶受度歷關諸天神變萬真請滅三惡氣化百靈斬絕
地根飛度五戶名列太玄真王監舉無拘天門東斗運機西斗
司氣北斗玄樞南斗生神中斗混合總監眾靈神變五帝下領

天人青帝施仁白帝明義赤帝司禮黑帝生智黃帝主信萬神
無越青神魔王拘魂定華赤神魔王守神立慧白神魔王定魄
蕩穢黑神魔王溺邪安正黃神魔王總監萬氣五神真魔萬靈
之宗飛行鼓從氣化神兵麾幢持節遊觀太空神變赫奕諸天
齊功上天度人嚴攝北酆神王受命普掃不祥收神攝氣變化
飛仙金精吐毒天馬四張神兵前驅流煙八衝敢有干試拒遏
上真金鉞前戮巨天後刑屠割鬼爽風火無停千千截首萬萬
剪形魔無干犯鬼無祆精三官北酆明檢鬼營不得容隱金馬
驛呈普告無窮萬神咸聽三界五帝列言上清

道藏輯要

度人妙經

卷

角集五

卷之三

風澤洞虛虛極變玄玄生爲神神薄氣真氣爲神子神爲氣母
神氣合一萬變可取萬變萬化金剛乘天剛風爲氣風動爲神
動生知識梵氣爲身神變氣化三界自成陽神爲天陰氣爲泉
無極無色泉極無淵神氣冥冥地藏爲天天上天下無幽無冥
無形無影無極無窮神降氣升流精鬱鬱溟滓大梵遼廓無光
赤明開圖運度自然元始安鎮敷落五篇赤書玉字八威龍文
保制劫運神氣長存梵氣彌羅萬範開張元綱流演三十二天
輪轉無色周回十方神氣普運四達皇皇旋斗歷箕同度五常
三十五分總氣上元八景冥合氣入玄玄玄中太皇上帝高真
亦從神氣變化生成泛景太霞嘯詠洞章金真朗郁流響雲營

玉音攝氣靈風聚烟紫虛鬱秀神氣回旋變化陰陽輔翼萬仙
千和萬合自然成真真中有神神中有氣附景纏光返復氣神
南極帝宮長生大君無英公子白元尊神太一司命桃康合延
執符把籙保命生根上遊上清出入華房八景之內細微之中
下鎮人身泥丸絳宮中理五氣混合百神十轉回靈萬氣齊仙
仙道貴生无量度人上開八門飛化神氣往來無窮轉此法輪
罪福禁戒宿命因緣普受開度死魂生身身得受生上聞諸天
諸天之上各有生門中有空洞謠歌之章真王靈篇辭參高真

第一道玄神變飛空之音

無形無名

獨立太空

合混萬神

道藏輯要

度人妙經

美

角集五

變化莫窮

萬物咸賴

神運圓通

生天生地

把握洪濛

廓散無邊

視之無蹤

泛然自應

名曰至神

三界仙真

諸天雲宮

神變周流

皆由道身

此道幽祕

得之乃真

歌此沖妙

玄中之天

中有造化

浩劫至神

冥會樞運

斡旋皇極

萬絜長存

保之勿息

第二道玄氣化真王之章

空爲真氣

真氣如空

我其辨之

與道皆同

物得之生

捨之則窮

能生者何

曰氣與神

一切諸天

神仙聖人

乃至六道

諸凶鬼神

天地官府

呼吸屈伸

是皆氣化

無逃此輪

如神守氣

千劫無傾

三界俱壞

我獨長存

九天停運

神升太微

攜盼玉京巔

映日金華西

願參空洞歌

駕龍耕瓊芝

第三神變氣化真王歌曰

俯軾東桑

仰觀逮臺

下有長樓

道藏輯要

度人妙經

卷

角集五
川〇上

劫海崔嵬

億萬里兮

超遙鑒開

嗟此大道境

攝之方寸規

神變而氣化

妙有相徘徊

控轡玉龍駕

奔雲太清下

無鞅繡衣人

非若世幻假

神變氣化成

千劫忘衰繭

笑爾穀仙輩

區區辨青黃

垂白無所成

咎道爲不祥

自昧神氣元

不知道有方

歌此太上篇

脩然禮真王

此三界之上飛空之中真王歌音參洞章誦之百遍名度南
宮誦之千遍真王保迎萬遍道備飛升太空過度三界位登仙
公有聞靈音真王敬形勅制地祇侍衛送迎拔出地戶五苦八

難七祖升遷永離地官魂度朱陵受鍊更生是謂无量普度無窮有祕上天文諸天共所崇泄慢墮地獄禍及七祖翁

道言此二章並是諸天上帝及至靈真王隱祕之音神變氣化杳然難名皆是大梵之言非世上常辭言無韻麗曲無華宛故謂玄奧難可尋詳上天所寶祕於神霄玉清王府東藏經室運應壬辰大法當傳若有至人齋金寶質心依舊格告盟玉府然後而付焉

道言夫神有不變氣有不化則爲天地運度否終日月五星虧盈至聖神人休否末學之夫疾傷凡有此災同氣皆當齊心修齋六時行香十遍轉經福德立降消諸不祥无量之文普度无

道藏輯要

度人妙經

卷

角集五

窮

道言夫末學道淺或仙品未充運應滅度身經太陰臨過之時同學至人爲其行香誦經十過使神變爲仙氣化爲真以度屍形如法魂神經上南宮隨其學功計日而得更生轉輪不或便得神仙

道言夫神變氣化神氣能變化於物非神氣自變化也神氣臨大不可變化變而化之神氣使之非變化神氣也神氣不和則不能變化與物爲災故曰天地運終星宿錯度日月失明四時失度陰陽不調水旱兵災疫毒流行兆民死傷師友命過皆當修齋行香誦經夫齋戒誦經功德甚重下

禳毒害以度兆民生死受賴其福難勝故曰无量普度天人
道言凡有是經能為天地帝主兆民行是功德有災之日發心
修齋燒香誦經十過神氣變化轉為福祥諸天記名萬神侍衛
右別至人尅得為真王玉府之臣左華記人功過毫分無失玉
清真王亦保舉爾身得道者乃當洞明至言也

八天之大梵隱語无量音 道君譔

元始靈書神變氣化玉篇

東方八天

明廳室寅 宛奏滌滄 阿留梵萌

提覺辭外 演羅丘微 對境平施

道藏輯要

度人妙經

堯

角集五

加那握溫 毗德佑機 洞洛次禰

原襄資連 陳罔闕夏 歷數惟年

當著逸潛 蒙祺益兼 亟馳賓陀

氣不汝偏

南方八天

秀旨峙滿 偏登球敦 炎井投枚

八道耿英 邈野駢路 崔慈梁賓

太極玄素 尤難檢欵 莽司馳微

表師覽兌 康達鈐宜 碧圓澗外

趣仙恭塗 旦昌昭隨 正華玉纂

道戶祕持

西方八天

參諱投綿

蔚羅大千

妙乙丙族

乾定婁弦

舒塞魔堂

逸變坤玄

丈定柳齊

上剛思元

圖靈祕寂

部丹凝宣

略要紀呈

令商自全

邈奎狼都

竟邊普傳

浪馬永儲

希天怙專

北方八天

龍扎燕宮

洞庭蚶沖

閣靜化極

道藏輯要

度人妙經

卒

角集五

列賓慈洪

乘聖逾棘

召倫愷攻

大藏負莫

歷泉已穹

道度冥瓘

力丁霞容

冀翼房穴

軫迹幾雄

瑞廣靈約

莊地萬鋒

純澤固賢

鄙開策空

道言此諸天中大梵隱語无量之音舊文刻書蕭臺天樞玉衡之上神變氣化以正萬天无極世界三元眞皇莫不由其道知而鍊之神氣永留大劫成壞小劫生死皆爲之解顏傲視之也字皆廣長一丈天真皇人昔書其文以爲正音有知其音能齋而誦之者神府皆遣飛仙天人下觀其身書其功勤上奏諸天

萬神朝禮地祇侍門大勳眞王保舉神霄道備尅得遊行三界
昇入金門此音无所不辟無所不禳無所不度無所不成天真
自然之音也故誦之致飛仙下觀上帝遙唱萬神朝禮三界侍
軒羣祇束首鬼精自亡琳琅振響十方肅清河海靜默山嶽吞
煙萬靈振伏招集羣仙天無氛穢地無祇塵冥慧洞清大量玄
之也

道藏輯要

度人妙經

卷

角集五

正一天師清微弟子洪百堅製作

道教學術資訊網站